

**"ახალგაზრდული ინიციატივების" ფარგლებში კონკურსის ჩატარებისა და დროებითი კომისიის მუშაობის დებულება**

**1. ზოგადი დებულებანი**

- 1.1 წინამდებარე დებულება განსაზღვრავს კონკურსის „ახალგაზრდული ინიციატივების“ ჩატარების წესსა და პირობებს, შეფასების კრიტერიუმებსა და ადმინისტრაციული უზრუნველყოფის საკითხებს.
- 1.2 კონკურსის ორგანიზატორია ბაღდათის მუნიციპალიტეტის მერია.
- 1.3 კონკურსის ჩატარებაზე პასუხისმგებელია ბაღდათის მუნიციპალიტეტის მერიის განათლების, კულტურის, სპორტის და ახალგაზრდობის სამსახური, რომელიც:
  - 1.3.1 უზრუნველყოფს მონაწილეთა ინფორმირებას;
  - 1.3.2 კონკურსის ჩატარების საორგანიზაციო საკითხების მოგვარებას;
  - 1.3.3. კონკურსის ჩატარების ხელშეწყობას;
  - 1.3.4 დროებითი კომისიის მდივანთან ერთად ამოწმებს პროექტების წინამდებარე დებულებასთან შესაბამისობას და კომისიას განსახილველად წარუდგენს და განიხილავს.
- 1.4 კონკურსი ტარდება ბაღდათის მუნიციპალიტეტის მასშტაბით;
- 1.5 კონკურსი "ახალგაზრდული ინიციატივები" ითვალისწინებს ახალგაზრდების/საინიციატივო ჯგუფების, ახალგაზრდულ საკითხებზე მომუშავე არასამთავრობო ორგანიზაციების მიერ ინიცირებული პროექტების მხარდაჭერას.

**2. კონკურსის მიზანი**

- 2.1 კონკურსის მიზანია ახალგაზრდების იდეების, შემოქმედებითობისა და შესაძლებლობების რეალიზება.
- 2.2 საზოგადოებრივ ცხოვრებში ახალგაზრდების მონაწილეობის გაზრდა.
- 2.3 ახალგაზრდობის სფეროში ინიციატივების წახალისება, ახალგაზრდების პოტენციალის რეალიზებისა და მათი უნარების განვითარების ხელშეწყობა.
- 2.4 ახალგაზრდებში მოქალაქეობრივი პასუხისმგებლობის გრძნობის ამაღლება.
- 2.5 ახალგაზრდებსა და თვითმართველობას შორის ეფექტური კომუნიკაციის დამყარება.

**3. კონკურსის ჩატარების პირობები და მოთხოვნები**

- 3.1 კონკურსში მონაწილეობის უფლება აქვთ ბაღდათის მუნიციპალიტეტის მერიის ტერიტორიაზე მცხოვრებ 14 დან 29 წლამდე ახალგაზრდებს, ასევე ახალგაზრდულ საინიციატივო ჯგუფს , ახალგაზრდულ საბჭოს და არასამთავრობო ორგანიზაციებს რეგისტრირებულს ახალგაზრდული მიმართულებით.
- 3.2 პროექტის ძირითადი ნაწილი უნდა განხორციელდეს ბაღდათის მუნიციპალიტეტში.
- 3.3 საკონკურსო განაცხადების მიღება წარმოებს ბაღდათის მუნიციპალიტეტის მერის სახელზე. კონკურსში მონაწილეთა რეგისტრაცია ხორციელდება ბაღდათის მუნიციპალიტეტის მერიის განათლების, კულტურის, სპორტის და ახალგაზრდობის საქმეთა სამსახურში კომისიის მდივანთან. მდივანი უზრუნველყოფს კონკურსში მონაწილეთა საინფორმაციო ბაზის შექმნას და ინფორმაციის გაცემას. კონკურსში მონაწილეობის მსურველები ავსებენ დადგენილი ნიმუშის განაცხადს დანართები 2 -ის შესაბამისად.
- 3.4 კონკურსში მონაწილეს შეუძლია შეავსოს მხოლოდ ერთი განაცხადი.
- 3.5 საპროექტო განაცხადი შევსებული უნდა იყოს სააპლიკაციო ფორმაში მითითებული მოთხოვნათა დაცვით.

### **3.6 კომისია არ განიხილავს განაცხადს:**

3.6. დოკუმენტების არასრულად წარმოდგენის შემთხვევაში.

3.7 საკონკურსო განაცხადის შემოტანის უფლება აქვს მოქალაქეებს 14 წლიდან.

3.8 ბაღდათის მუნიციპალიტეტის მერიიდან მოთხოვნილი თანხა არ უნდა აღემატებოდეს 1500 ( ათას ხუთას) ლარს.

3.9 პრიორიტეტი მიენიჭება ისეთ პროექტებს, რომელთაც თან ახლავს: მინი კვლევა, რომელიც ასახავს საკონკურსო ინიციატივის საჭიროებას.

3.10 მონაწილე ახალგაზრდებს, ახალგაზრდულ საინიციატივო ჯგუფს და არასამთავრობო ორგანიზაციებს უფლებამოსილება აქვთ პროექტში მონაწილეობა მიიღონ თანადაფინანსებით.

### **4. საკონკურსო პროექტების თემატიკა:**

1. მოქალაქეობრივი ცნობიერების ამაღლება.

2. ჯანსაღი ცხოვრების წესის პოპულარიზაცია.

3. საზოგადოებრივ ცხოვრებაში ახალგაზრდების მონაწილეობის გაზრდა;

4. ახალგაზრდებისთვის არამალადობრივი, უსაფრთხო და ინკლუზიური გარემოს შექმნის ხელშეწყობა;

5. ახალგაზრდების ეკონომიკური გაძლიერებისა და დასაქმების ხელშეწყობა;

6. საგანმანათლებლო, შემეცნებითი და შემოქმედებითი პროექტების წახალისება;

7. ინტეგრაციის ხელშეწყობა.

8. მასობრივი სპორტული ღონისძიებების დაგეგვა.

9. სპეციალური საჭიროების მქონე ახალგაზრდების მხარდაჭერა, შშმ პირების ინტეგრაცია საზოგადოებაში.

10. გარემოს დაცვა.

### **5 . კონკურსში მონაწილეობის მისაღებად საჭირო დოკუმენტების ნუსხა:**

5.1 კონკურსში მონაწილეობის მისაღებად მერიაში წარმოდგენილი უნდა იქნეს შემდეგი დოკუმენტაცია:

ა) შევსებული სტანდარტული სააპლიკაციო ფორმა/განაცხადი.

ბ) საინიციატივო ჯგუფის წევრების CV, ორგანიზაციის შემთხვევაში ორგანიზაციის რეგისტრირების დოკუმენტაციის ასლი, საქმიანობის სფერო, მიზნები და განხორციელებული პროექტების ნუსხა;

გ) პირადობის დამადასტურებელი დოკუმენტის ასლი.

დ) თანადაფინანსების შემთხვევაში - დამადასტურებელი საბუთი;

ე) მინი-კვლევა, რომელიც აღნიშნული პროექტის საჭიროებაზე მიუთითებს (ასეთის არსებობის შემთხვევაში);

ვ) პროექტის განხორციელების ადგილის ფლობის, ან სარგებლობის დამადასტურებელი დოკუმენტი (თუ პროექტი ითვალისწინებს ძირითადი აქტივობების განხორციელებას კონკრეტულ სივრცეში);

5.2 დოკუმენტები წარმოდგენილი უნდა იყოს ელექტრონული ან/და ფიზიკური ფორმით

5.3 კომისია უფლებამოსილია საჭიროების შემთხვევაში მოითხოვოს დამატებითი დოკუმენტაცია;

5.4. კომისია იტოვებს უფლებას, განმცხადებელს საჭიროების შემთხვევაში დააზუსტებინოს პროექტი.

## 6. კონკურსის ეტაპები

კონკურსი მოიცავს შემდეგ ეტაპებს:

I - საკონკურსო განაცხადების მიღება ელექტრონული ან/და ფიზიკური ფორმით.

II - განაცხადების განხილვა და გადარჩევა შესაბამისი კომისიის მიერ (დებულების მოთხოვნებთან შესაბამისობის დადგენა)

III - ინიციატივის საჯარო პრეზენტაციის გამართვა (კომისიის მოთხოვნის შემთხვევაში)

IV - გამარჯვებული პროექტების გამოვლენა.

## 7. შეფასება

7.1 პროექტების შეფასება ხდება შემდეგი კრიტერიუმებით

№	შეფასების კრიტერიუმი	ქულა
1	პროექტის ინოვაციურობა და კრეატიულობა	15
2	პროექტის დასაბუთება	15
3	პროექტის სტრუქტურა - მეთოდოლოგია, ფუნქციები, შესრულების გეგმა და სხვ.	15
4	ბიუჯეტი-ხარჯთეფექტიანობა და შესაბამისობა დაგეგმილ აქტივობებთან და მიზნებთან	15
5	ორგანიზაციის/კონკურსანტის გამოცდილება	15
6	რელევანტურობა - რამდენად პასუხობს პროექტი მიზნებს,	15
7	პროექტის მდგრადობა, განვითარების პერსპექტივა და შედეგისეფექტიანობა;	10
სულ		100 ქულა

7.2 გამარჯვებულად გამოცხადდება პროექტი, რომელმაც დააგროვა ქულათა მაქსიმალური რაოდენობა, მაგრამ არა უმცირეს საერთო ქულათა 70% (საბოლოო ჯამში ფინანსდება საუკეთესო შედეგების მქონე პროექტები „ახალგაზრდული ინიციატივების“ მუხლში განსაზღვრული თანხის ამოწურვამდე).

## 8. კონკურსის ჩატარების ვადები

8.1 კონკურსი ცხადდება ერთ ან ორ ეტაპად, ქვეპუნქტში „ახალგაზრდული ინიციატივების მხარდაჭერა“ თანხის ათვისების შესაბამისად,

8.2. პირველ ეტაპზე კონკურსში მონაწილეთა განაცხადების მიღება წარმოებს **2024 წლის 1 მარტიდან 1 აპრილის ჩათვლით, 18:00 სთ-მდე** ფიზიკური ან/და ელექტრონული ფორმით მისამართზე-[Info.baghdati@baghdati.gov.ge](mailto:Info.baghdati@baghdati.gov.ge)

8.3 კონკურსის მე-2 ეტაპი (საჭიროების შემთხვევაში ცხადდება მ/წ 15 აპრილიდან 30 აპრილის ჩათვლით 18:00 საათამდე)

## 9. პროექტის ხანგრძლივობა

პროექტი უნდა დასრულდეს მ/წ 20 დეკემბრამდე.

## 10. დროებითი კომისიის შექმნა და მუშაობის წესი

- 10.1 კონკურსის დებულებას და დროებითი კომისიის შემადგენლობას ამტკიცებს ბალდათის მუნიციპალიტეტის მერი შესაბამისი ბრძანებით;
- 10.2 კომისიას ხელმძღვანელობს კომისიის თავმჯდომარე, მისი არყოფნის შემთხვევაში თავმჯდომარის მოადგილე;
- 10.3 კომისია უფლებამოსილია მიიღოს გადაწყვეტილება, თუ მას ესწრება სიითი შემადგენლობის უმრავლესობა;
- 10.4 გამარჯვებულის გამოსავლენად შეფასების კრიტერიუმების ქულათა ჯამით, გამარჯვებულად მიიჩნევა და დაფინანსდება ის კონკურსანტი, რომელიც მიიღებს მაქსიმალურ ქულათა არანაკლებ 70 %.
- 10.5 თუ ორმა ან მეტმა საკონკურსო ნამუშევარმა დააგროვა თანაბარი რაოდენობის ქულები, გადამწყვეტია კომისიის თავმჯდომარის ხმა;
- 10.6 კომისიის გადაწყვეტილება ფორმდება ოქმით, რომელსაც ხელს აწერს კომისიის თავმჯდომარე და დამსწრე წევრები. კომისიის წევრს აქვს უფლება თავისი განსხვავებული აზრი დაურთოს ოქმს, რის შესახებაც ოქმში კეთდება აღნიშვნა;
- 10.7 კომისიის გადაწყვეტილება კონკურსის შედეგებთან დაკავშირებით გამოქვეყნდება ბალდათის მუნიციპალიტეტის მერიის ოფიციალურ ვებგვერდზე და განათლების, კულტურის, სპორტისა და ახალგაზრდობის საქმეთა სამსახურის ვებგვერდზე. გამარჯვებული პროექტების დამტკიცებიდან 5 სამუშაო დღის ვადაში.
- 10.8 კომისიას აქვს ვალდებულება მონიტორინგი გაუწიოს დაფინანსებულ პროექტს.
- 10.9 კომისია წყვეტს უფლებამოსილებას პროექტის დასრულებისთანავე.

## 11. კონკურსში გამარჯვებული პროექტის განხორციელება

- 11.1 კონკურსში გამარჯვებული პროექტები უნდა განხორციელდეს ბალდათის მუნიციპალიტეტის ტერიტორიაზე.
- 11.2 პროექტში გამარჯვებულ ინიციატივას დააფინანსებს ბალდათის მუნიციპალიტეტის მერია.
- 11.3 საჭიროების შემთხვევაში, გამარჯვებულ არასამთავრობო ორგანიზაციასთან მოხდება ურთიერთანამშრომლობის მემორანდუმის გაფორმება.
- 11.4 ანგარიშის წარდგენა პროექტთან დაკავშირებით უნდა მოხდეს დანართი N2 შესაბამისად.

